



Broj: S1 2 K 003478 10 K

Sarajevo, 12.11.2010. godine

U IME BOSNE I HERCEGOVINE!

Sud Bosne i Hercegovine, u vijeću sastavljenom od sudije Esada Fejzagića, kao predsjednika vijeća, te sudija Nenada Šelege i Ize Tankića, kao članova vijeća uz sudjelovanje pravnog savjetnika – asistenta Belme Čano, u svojstvu zapisničara, u krivičnom predmetu protiv optuženog Fuada Memovića, zbog krivičnog djela Neovlašten promet opojnim drogama iz člana 195. stav 2. KZ BiH, te krivičnim djelom Krivotvorenje isprave iz člana 373. stav 1. KZ FBiH, odlučujući po izmijenjenoj optužnici Tužilaštva Bosne i Hercegovine, broj KT-133/10 od 09.11.2010, nakon održanog pretresa za izricanje krivičnopravne sankcije povodom sporazuma o priznanju krivnje, zaključenog između optuženog i Tužilaštva BiH, u prisutnosti tužioca Tužilaštva Bosne i Hercegovine Ismeta Šuškića, optuženog Fuada Memovića i njegovog branioca Nikice Gržića, advokata iz Sarajeva, donio i javno objavio dana 12.11.2010. godine sljedeću

P R E S U D U

Optuženi:

Fuad Memović, zvani „Fule“, sin Emira i majke Hajrije, rođene Preljević, rođen 01.07.1975. godine u selu Mataruge, opština Prijepolje, Republika Srbija, JMBG 0107975793922, Musliman, po zanimanju radnik sa završenom ugostiteljskom školom, otac jednog mladb. djeteta državljanin Republike Srbije, nastanjen na Ilidži, naselje Lužansko Polje b-2, ulica Vrtovi Riverine B-2-V-35 (Vila Iris) i boravi u Ulici Oteškog bataljona broj 75,

K R I V J E

Što je:

Optuženi **Fuad Memović**, početkom 2010. godine, kao pripadnik organizovane grupe ljudi, u smislu člana 1. stav 19. Krivičnog zakona Bosne i Hercegovine (KZ BiH), koja je djelovala sve do 31.03.2010. godine, a koja je organizovana radi neovlaštene međunarodne prodaje, slanja, prenosa do krajnje destinacije, posredovanja i međunarodnog prometa opojne droge „kokain“, koja je Konvencijom o psihotropnim supstancama iz 1971. godine i Rješenjem o popisu

Kraljice Jelene br. 88, 71 000 Sarajevo, Bosna i Hercegovina, Tel: 033 707 100, Faks: 033 707 225

Крaљице Јелене бр. 88, 71 000 Сарајево, Босна и Херцеговина, Тел: 033 707 100, Факс: 033 707 225

opojnih droga (Službeni list R BiH broj 2/92 i 13/94) proglašena opojnom drogom i čiji se promet može obavljati samo na temelju dozvole nadležnog organa sukladno Zakonu o proizvodnji i prometu opojnih droga (Službeni list R BiH broj 2/92 i 13/94) i čiji je promet zabranjen odredbama Zakona o sprječavanju i suzbijanju zloupotrebe opojnih droga (Službeni glasnik BiH broj 8/96), iz Republike Paragvaj u Bosnu i Hercegovinu i to s ciljem dalje prodaje u Bosni Hercegovini i s ciljem sticanja protivpravne imovinske koristi, a kojoj organizaciji su pristupili njemu dobro poznati optuženi H.A, A.A i osoba navodno po imenu Janete Reginnato iz Paragvaja, pa je tako organizovana grupa ljudi u mjesecu martu 2010. godine organizovala nabavku i prenos cca 1 kg opojne droge „kokain“ iz Republike Paragvaj u BiH, na način da je Janete Reginnato, opojnu drogu „kokain“ upakovanu u aluminijske remenice, po prethodnom dogovoru i uputama optuženog Memović Fuada, poslalo sa adrese avenija Euzebio Ayala broj 706 Assuncion u Paragvaju na adresu Humska 18, 71000 Sarajevo na ime Adi Hasanović (na kojoj se inače nalazi stan u vlasništvu H.L, supruge optuženog H.A.), koji stan je prethodno obezbjedio i pripremio optuženi H.A. na način da je na vratima stana i na pripadajućem poštanskom sandučiću stavio pločice na ime Adi Hasanović, a ključeve od stana i sandučića dao optuženom Fuadu Memović koji je potom te ključeve dao A.A., koja pošiljka je upućena redovnom avionskom poštom i koju opojnu drogu je, po prethodnom dogovoru i uputama optuženog Fuada Memović, dana 31.03.2010. godine u Glavnom poštanskom centru na adresi Put života bb Sarajevo, preuzeo optuženi A.A. koristeći pri tome krivotvorenu ličnu kartu CIPS-a na ime Adi Hasanović broj 07DUCD162 na način da je istu prezentirao ovlaštenom radniku pošte prilikom preuzimanja paketa, zajedno sa obavjesti o prispjeću pošiljke, koju je prethodno preuzeo iz poštanskog sandučića sa adrese Humska 18, 71000 Sarajevo, a koju ličnu kartu mu je prethodno obezbjedio optuženi Fuad Memović i uručio posredstvom optuženog H.A., koju opojnu drogu su potom optuženi Fuad Memović, H.A. i A.A. sklonili u prostorije firme „ATAL Group“ d.o.o. Sarajevo, gdje su odmah zatim pristupili otvaranju paketa iz kojeg su izvadili aluminijske remenice u kojima se nalazila opojna droga kokain i odložili je u magacinski prostor, da bi potom Memović Fuad izašao napolje da baci paket, kojom prilikom su policijski službenici Državne agencije za istrage i zaštitu optužene Fuada Memović, H.A. i A.A. lišili slobode

2. U toku septembra mjeseca 2009. godine optuženi Memović Fuad pomoću njemu poznatog lica nabavio krivotvorenu ličnu BH kartu - CIPS na način da je od optuženog A.A. pribavio njegove fotografije i u saradnji sa njemu poznatim licem izradio krivotvorenu ličnu kartu br. 07DUCD162 na ime Hasanović Adi koristeći fotografije A.A, a zatim ličnu kartu predao A.A. s namjerom da je po njegovim uputama upotrijebi dana 31.03.2010. godine.

Dakle, pod tačkom 1. optuženi Fuad Memović postao članom organizovane grupe ljudi, koja je formirana radi međunarodne prodaje, prenosa, isporuke opojne droge kokain, koja je nabavljena iz Republike Paragvaj, od njemu poznatog lica sa namjerom daljnje prodaje, njemu poznatim osobama na području Sarajeva i BiH, a pod tačkom 2. nabavio lažnu ispravu - ličnu kartu, radi upotrebe

Čime je radnjama opisanim pod tačkom 1. presude počinio krivično Neovlašteni promet opojnim drogama iz člana 195. stav 2. KZ BiH a radnjama opisanim pod tačkom 2. presude krivično djelo Krivotvorenje isprave, iz člana 373. stav 2. KZ FBiH,

pa mu Sud, primjenom navedenih zakonskih propisa uz primjenu odredbi iz članova 39., 42. i 48. KZ BiH,

utvrđuje: za krivično djelo Neovlašteni promet opojnim drogama iz člana 195. stav 2. KZ BiH kaznu zatvora u trajanju od 3 (tri) godine, a za krivično djelo Krivotvorenje isprave, iz člana 373. stav 2. KZ FBiH kaznu zatvora u trajanju od 6 (šest) mjeseci, te mu primjenom člana 53. KZ-a BiH izriče

**JEDINSTVENU KAZNU ZATVORA
U TRAJANJU OD 3 (TRI) GODINE I 3 (TRI) MJESECA.**

Na osnovu člana 56. Krivičnog zakona Bosne i Hercegovine optuženom se u izrečenu kaznu zatvora ima uračunati vrijeme provedeno u pritvoru, počev od 31.03.2010 godine do 12.11.2010.

Na osnovu člana 195. stav 4. KZ BIH od optuženog Fuada Memovića oduzimaju se dvije aluminijske remenice sa četiri žlijeba srebrno sive boje, prečnika 175 mm, debljine 75 mm, valjkastog oblika i opojna droga kokain, neto mase 549,19 i 450,04 grama.

Na osnovu člana 74. ZKP BiH optuženom se imaju vratiti predmeti oduzeti po Potvrdi o privremenom oduzimanju predmeta Državne agencije za istrage i zaštitu, broj 17-02/3-2/10 od 31.03.2010. godine.

Na osnovu člana 188. stav 1. Zakona o krivičnom postupku Bosne i Hercegovine optuženi se obavezuje da naknadi troškove krivičnog postupka, a o načinu izmirenja i visini iznosa Sud će se odrediti posebnim rješenjem, po pribavljanju potrebnih podataka.

O b r a z l o ž e n j e

Tužilaštvo Bosne i Hercegovine podiglo je optužnicu, broj KT-133/10 od 16.07.2010. godine, kojom se Fuadu Memoviću, Adnanu Hamziću i Arifu Adiloviću, na teret stavlja počinjenje krivičnog djela Organizovani kriminal, iz član 250. stav 2. i 3. KZ BiH, u vezi sa krivičnim djelom Neovlašten promet opojnim drogama iz člana 195. stav 1. KZ BiH te optuženi Hamzić i Adilović krivično djelo Krivotvorenje isprave iz člana 373. stav 1. KZ F BiH.

Nakon što je ista potvrđena rješenjem sudije za prethodno saslušanje, te nakon što su se optuženi izjasnili da nisu krivi, započeo je glavni pretres u ovoj krivičnopravnoj stvari.

Dana 09.11.2010. godine Tužilaštvo je dostavilo izmijenjenu optužnicu, kojom se optuženom Memoviću na teret stavlja krivično djelo Neovlašten promet opojnim drogama iz člana 195. stav 2. KZ BiH, te krivičnim djelom Krivotvorenje isprave iz člana 373. stav 1. KZ F BiH. Sudu je istovremeno dostavljen Sporazum o priznanju krivnje, zaključen između optuženog Fuada Memovića i Tužilaštva BiH.

U skladu sa članom 231. stav 6. ZKP BiH, Sud je razmotrio dostavljeni sporazum, ispitujući da li su ispunjeni svi uslovi propisani tačkama a) do e) navedene odredbe Zakona. Na održanom pretresu za razmatranje sporazuma o priznanju krivnje, Sud je utvrdio da je optuženi sklopio sporazum dobrovoljno, svjesno i sa razumijevanjem, a nakon što je upoznat sa mogućim posljedicama, uključujući i posljedice vezane za eventualne imovinsko pravne zahtjeve i troškove krivičnog postupka. Optuženi je također svjestan i činjenice da se na ovaj način odriče prava na suđenje i da ne može izjaviti žalbu na krivičnopravnu sankciju, koja će mu biti izrečena. Sud je također utvrdio i da postoji dovoljno dokaza o krivnji optuženog, za predmetna krivična djela te je ispitano i da li je predložena kazna u skladu sa odredbama stava 3. člana 231.ZKP BiH.

U toku postupka Tužilaštvo je saslušalo svjedoke Dadu Doborca, Adisa Hodžića, Haruna Kadića, prikrivene istražitelje kodnih naziva „Boro“ i „Ramiz“, te vještaka Prof. Esada Bilića, vještaka grafologa, Mevludina Hajdara, vještaka za hemijska ispitivanja te Irhada Kosa. Uloženi su i sljedeći materijalni dokaz: Izvještaj Dražavne agencije za istrage i zaštitu broj broj: 17-02/3-04-1-161-40-KU-12/10, od 01.04.2010. godine o počinjenom krivičnom djelu i izvršiocima protiv osumnjičenih Memović Fuada i dr., Akt SIPE br. 17-02-04-1-161-2/10 od 19.03.2010. godine – Informacija Carinske policije SR Njemačke od 2 kg. „kokaina“ sa priložima i Akt SIPE br. 17-02-04-1-161-16/10 od 25.03.2010. godine – Informacija Carinske policije SR Njemačke od 2 kg „kokaina“, Nalaz i mišljenje F MUP-a FUPA – Centar za forenziku i podršku – Odjeljenje za krim.tehnička vještačenja Sarajevo br. 09-14/1-

36 od 05.04.2010. godine o ispitivanju nepoznate materije, Nalaz i mišljenje vještaka grafologa – krim.tehnička grafološka ekspertiza prof. Bilić Esada od 06.07.2010. godine, sa krivotvorenom ličnom kartom BiH serijskog broja 07DUCD62 na ime Hasanović Adi, Fotodokumentacija SIPE br. 17-02/3-4-1-161-55/10 od 05.05.2010. godine, koja se odnosi na krijumčarenje kokaina - „Nadzirani prevoz isporuka predmeta krivičnog djela“ po naredbi Suda BiH br. KPP-23710 od 19.03.2010. godine i to: Fotodokumentacija SIPE br. 17-02/8-4-1-15/10 od 22.04.2010. godine, a odnosi se na pretres PMV reg oznaka 162-T-071, Fotodokumentacija SIPE br. 17-02/8-4-1-16/10 od 22.04.2010. godine, a odnosi se na uviđaj na okolnosti pronalaska ambalaže od poštanskog paketa, Fotodokumentacija SIPE br. 17-02/8-4-1-18/10 od 22.04.2010. godine, a odnosi se na izradu remenica, Fotodokumentacija SIPE br. 17-02/8-4-1-19/10 od 22.04.2010. godine, a odnosi se na pretres PMV reg. onaka E52-O-896, Fotodokumentacija SIPE br. 17-02/8-4-1-21/10 od 22.04.2010. godine, a odnosi se na pretres stana vl. Hamzić Adnana, Fotodokumentacija SIPE br. 17-14/1-7-38/10 od 12.04.2010. godine koja se odnosi na pretres stana Memović Fuada, Fotodokumentacija SIPE br. 17-14/1-7-39/10 od 12.04.2010. godine koja se odnosi na pretres stana vl. Kajasa Kata Fotodokumentacija SIPE br. 17-14/1-7-40/10 od 20.04.2010. godine koja se odnosi na pretres prostorija „ATAL Group“ d.o.o. Sarajevo, Fotodokumentacija SIPE br. 17-14/1-7-41/10 od 20.04.2010. godine koja se odnosi na pretres kuće Adilović Arifa, Fotodokumentacija SIPE br. 17-14/1-7-42/10 od 21.04.2010. godine koja se odnosi na fotografisanje poštanskog sandučeta interfona u ul. Humska br. 18 općina Novo Sarajevo, Službeni Izvještaj SIPE – Službe za operativnu podršku – Odsjek za operativni i tehnički nadzor – Tim za kompjuterske analize br. 17-09/2-04-7-733-4/10 od 30.06.2010. godine o vještačenju digitalnih dokaza predmeta – mobilnih telefona oduzetih od osumnjičenog Memović Fuada, Hamzić Adnana i Adilović Arifa, Informacija SIPE – KIO br. 17-02/3-04-1-161-44/10 od 01.04.2010. godine, a osnosi se na informaciju Carinske policije SR Njemačke o 2 kg. „kokaina“ kao i Izvještaj o realizaciji Naredbi Suda BiH za provođenje posebnih istražnih radnji i realizaciji naredbi Suda BiH za provođenje posebnih istražnih radnji i realizaciji naredbi Suda BiH za pretres, Zapisnikom SIPE – KIO br. 17-02/3-04-1-161-18/10, o uviđaju i preliminarnom vještačenju od 25.03.2010. godine, sa fotodokumentacijom SIPE br. 17-02/8-04-1-11/10 od 29.03.2010. godine, a odnosi se na obradu prispjele pošiljke u predmetu KTA-148/10, Službeni izvještaj SIPE – KIO br. 17-02/7-INT-647/10 od 31.03.2010. godine, sačinjen od strane prikrivenog istražitelja „Ramiz“ na okolnosti provedenih posebnih istražnih radnji, Službeni izvještaj SIPE – KIO br. 17-02/7-INT-648/10 od 31.03.2010. godine, sačinjen od strane prikrivenog istražitelja „Boro“ na okolnosti provedenih posebnih istražnih radnji, sa poštanskom uplatnicom br. 89/20 od 31.03.2010. godine na ime Hasanović Adi u iznosu od 8,50 KM, Zapisnik SIPE – KIO br. 17-02-04-1-161-25/10 od 30.03.2010. godine, o uviđaju obavljenom prilikom izrade i zamjene aluminijskih remenica i njihovog sadržaja, Izvještaji SIPE – Služba za operativnu podršku Odsjek za operativni tehnički nadzor br. 17-09/2-04-7-356-

28/10 od 08.04.2010. godine o nadzoru (19 izvještaja o nadzoru sa dva CD-a), Izvještaj SIPE br. 17-9/7-04-7-363-35/10 od 26.05.2010. godine i DVD-ovi sa audio zapisom o preduzimanju posebnih istražnih radnji, nadzor i tehničko snimanje telekomunikacija (3x DVD) i Izvještaj br. 17-9/7-04-7-363-36/10 od 26.05.2010. godine (9X DVD), Potvrda SIPE br. 17-02/3-6/10 od 31.03.2010. godine o privremenom oduzimanju predmeta od Adilović Arifa, sa priložima i br. 17-02/3-3-1/10 od 31.03.2010. godine (sa rokovnikom i karticom PIN i PUK) i privremenom oduzimanju predmeta mobilnih telefona marke „Samsung“ (nalazi se kod SIPE), Potvrda SIPE br. 17-02/3-5-1/10 od 31.03.2010. godine o privremenom oduzimanju predmeta od Hamzić Lejle supruge osumnjičenog Hamzić Adnana (laptop marke „Simens“ i dvije ultra kartice i certifikati nalazi se kod SIPE) i br. 17-02/3-3-2/10 od 31.03.2010. godine privremenom oduzimanju predmeta mobilnih telefona pod tačkom od 1 – 8, sa karticom koji se nalaze kod SIPE, sa priložima, Potvrda SIPE br. 17-02/3-2/10 od 31.03.2010. godine o privremenom oduzimanju predmeta od Memović Anite supruge osumnjičenog Memović Fuada, (mobilni telefon nalazi se kod SIPE i ugovor o kupoprodaji nekretnina sa predugovorom), Potvrda SIPE br. 17-02/3-4/10 od 31.03.2010. godine o privremenom oduzimanju predmeta od Hamzić Adnana, (sa mobilnim telefonom marke „Sagem“ nalazi se kod SIPE) i rokovnikom zelene boje, Potvrda SIPE br. 17-02/3-4-1/10 od 31.03.2010. godine o privremenom oduzimanju predmeta od Memović Fuada, sa priložima, br. 17-02/3-4-2/10 od 31.03.2010. godine i br. 17-02/3-4-3/10 od 31.03.2010. godine, (sa mobilnim telefonom marke „Nokia“, marke „Ferari“ sa SIM karticama nalaze se kod SIPE) i pasoš na ime Memović Fuada izdat od strane MUP R Srbije br. 008042701, Potvrda SIPE br. 17-02/3-3/10 od 31.03.2010. godine o privremenom oduzimanju predmeta od Hamzić Adnana, (dvije remenice sa 4 žlijeba srebreno-sive aluminijske boje, prečnika 175 mm, debljine 75 mm, valjkastog oblika) sa sadržajem droge „kokain“ cca 1 kg., Prilog Zapisniku SIPE br. 17-02/5-04-1-161-33/10 od 31.03.2010. godine – trag izuzet prilikom pronalaska ambalaže poštanskog paketa, Prilog akta Federalne uprave policije broj 14/1-36 od 05.04.2010. godine – vještačenje: dva aluminijska paketa oblika remenica za kamion, sadržaja ostaci bijele praškaste ispitivane materije – čisti kokain, neto masa materije: 549,19 g i 450,04 g (masa prije ispitivanja je iznosila: 549,71 g-uzorak označen brojem 1 i uzorak označen brojem 2-450,14 g), Službena zabilješka SIPE – KIO br. 17-02/3-59/10 od 31.03.2010. godine na okolnosti postupanja u predmetu „Paragvaj“ i izvršenih operativnih provjera na adresi Humska br. 18 Sarajevo, Zapisnik SIPE – KIO br. 17-02/5-04-1-161-33/10, od 31.03.2010. godine o izvršenom uviđaju na licu mjesta u ul. Zmaja od Bosne br. 14 općina Novo Sarajevo, Službena zabilješka SIPE Službe za operativnu podršku br. 17-09/2-04-7-356-35/10 od 06.05.2010. godine i CD-3 sa video zapisom po Naredbi Suda BiH br. KPP-23/10 od 19.03.2010. godine, Operativna evidencija MUP Kantona Sarajevo – Sektor krim. Policije Odjeljenje za posebne namjene broj 02/2-3-1045/10 od 01.04.201. godine za osumnjičenog Memović Fuada sa Rješenjem Opštine Prijepolje broj 201-5/2003 od 07.04.2003. godine o promjeni ličnog imena

Memović Fuada u lično ime Preljević Denis i operativna evidencija br. 02/2-3-1043/10 od 01.04.2010. godine za osumnjičenog Hamzić Adnana i operativna evidencija br. 02/2-3-1042/10 od 01.04.2010. godine za osumnjičenog Adilović Arifa.

Cijeneći navedene dokaze pojedinačno i dovodeći ih u međusobnu vezu, te cijeneći priznanje optuženog, van razumne sumnje je utvrđeno da je optuženi počinio predmetna krivična djela.

Naime, iz izjava prikrivenih istražitelja „Bore“ i „Ramiza“ proizlazi da je optuženi, sa optuženima Hamzićem i Adilovićem, preuzeo sporni paket. Svjedoci su detaljno opisali sve radnje koje su poduzeli, u svojstvu prikrivenih istražitelja, obradu spornog paketa i preuzimanje istog. Vještak Mevludin Hajdar potvrdio je da je materijala odstranjena iz aluminijskih remenica, po hemijskim svojstvima 100% čisti „kokain“. Prestretnuti razgovori, kako je pojasnio vještak Irhad Kos, potvrđuju komunikaciju optuženog sa drugim optuženim, odnosno osumnjičenim licima. Vještak Esad Bilić detaljno je opisao mane i nedostatke spornog dokumenta – lične karte na ime Adi Hasanović, na osnovu kojih je došao do zaključka da je riječ o krivotvorenom dokumentu. Sve navedeno potvrđuju uloženi materijalni dokazi, a prvenstveno nalazi i mišljenja pomenutih vještaka.

Nadalje, na osnovu predočenih dokaza, utvrđeno je da je optuženi bio svjestan svojih djela i da je htio njihovo učinjenje, odnosno da je predmetna krivična djela počinio sa direktnim umišljajem, svjesno poduzimajući gore opisane krivično-pravne radnje. Navedeni zaključak potvrđuje držanje optuženog, na što ukazuju svi provedeni dokazi. Iz provedenih posebnih istražnih radnji - nadzor i tehničko snimanje telekomunikacija, vidljiv je odnos optuženog prema djelu i njegovo htijenje da ista izvrši. Temeljem svega naprijed navedenog, utvrđeno je da postoji dovoljno dokaza o krivici optuženog, te je Sud, uz prethodno utvrđeno ispunjenje ostalih uslova iz člana 231. stav 6. tačka a) do e) ZKP BiH, prihvatio uložene sporazume.

U pogledu krivično pravne sankcije, Sud je optuženom izrekao kaznu, kao u izreci ove presude, primjenjujući odredbe člana 53. KZ BiH te cijeneći da su iste srazmjerne težini počinjenih krivičnih djela i stepenu krivične odgovornosti optuženog i nalazeći da će na taj način ostvariti svrha krivičnopravne sankcije.

Stoga je Sud optuženom utvrdio kaznu zatvora u trajanju od 3 godine i 3 mjeseca, za krivično djelo Neovlašteni promet opojnim drogama, iz člana 195. stav 2. KZ BiH, a za krivično djelo iz člana 373. stav 1. KZ F BiH, kaznu zatvora od 6 mjeseci, cijeneći kao olakšavajuće okolnosti činjenicu da je optuženi pristao na saradnju sa Tužilaštvom te izrazio kajanje. Imajući u vidu da je od počinjenja djela, do danas, došlo do izmjena u krivičnom zakonu, upoređujući relevantne odredbe, utvrđeno je da je blaži onaj zakon koji je bio na snazi u vrijeme počinjenja djela, kojim je

predviđena kazna od najmanje tri godine, za krivično djelo iz stava 2. člana 195. KZ BiH. Kao otežavajući okolnost Sud je cijenio raniju kažnjavanost optuženog. S obzirom na tako utvrđene olakšavajuće i otežavajuće okolnosti, utvrđeno je da izrečena kazna odgovara stepenu krivične odgovornosti optuženog, težini počinjenog djela i da se istom može postići svrha generalne i specijalne prevencije.

U skladu sa članom 56. stav 1. KZ BiH, optuženom je u izrečenu kaznu uračunato vrijeme provedeno u pritvoru, počev od 31.03.2010 godine do 12.11.2010.

Nadalje, temeljem člana 195. stav 4. KZ BiH određeno je oduzimanje predmeta koji su služili za počinjenje djela i opojne droge „kokain“ i to dvije aluminijske remenice sa četiri žlijeba srebrno sive boje, prečnika 175 mm, debljine 75 mm, valjkastog oblika i opojna droga kokain, neto mase 549,19 i 450,04 grama

Na osnovu člana 188. stav 1. Zakona o krivičnom postupku Bosne i Hercegovine optuženi se obavezuje da naknadi troškove krivičnog postupka, a o načinu izmirenja i visini iznosa Sud će se odrediti posebnim rješenjem, po pribavljanju potrebnih podataka.

ZAPISNIČAR

Belma Čano

**PREDSJEDNIK VIJEĆA
SUDIJA**

Esad Fejzagić

POUKA O PRAVNOM LIJEKU: Protiv ove presude žalba je dozvoljena Apelacionom vijeću ovog Suda u roku od 15 dana od dana prijema ove presude. Žalba nije dozvoljena u odnosu na odluku Suda o krivičnoj sankciji.